

雷波廳志卷二十八

邊防志

上

犬羊之性。其動靡常。羣聚奔突。輕爲禍殃。嗟我邊民。與兵終始。爰自祖父。施及孫子。征兵召募。歲歲防秋。飛輓芻粟。修我戈矛。禍患從來。非一朝夕。或以疎防。或以姑息。欲求長策。改土設流。一舉戡定。百世懷柔。志邊防第二十八。

明萬曆十五年。邛部夷撒假。合雷波夷目楊九乍。黃鵬夷首安興。叛初嘉靖閒。越嶲邛部長官司叛普書。

雷波廳志

卷二十八

邊防上

一

約伯。自稱鱷普王。潛住臙乃地方。與馬湖府賴因等處接壤。守土長官。失於隄防。以致窺伺。繼而勾連漁利。帥眾殺掠。至隆慶萬曆年間。普書之子撒假。踵惡不悛。僭稱西國平天王。黃鵬夷首安興。已革土知府安鼇。後也。負險恃眾。久蓄異志。截撈皇木。殺傷人夫。雷波夷目楊九乍。據涼山。素懷不軌。兼得撒假。結爲姻婭。號爲三雄。橫行邊境。抄掠榮丁。賴因。煙溪等處。殺死軍民三千餘人。擄去男婦數萬餘口。土民宋連。赴撫院具訴。奉批馬湖府著長官悅寶輝戍守。而夷



猥出沒無常、邊境騷擾不宐、自建昌兇夷王大咱等  
糾眾煽亂、都御史徐公調兵征勦、議者謂賦乃諸夷  
爲大咱之後戶、宜謹守以防奔突、徵兵三千以都司  
李獻忠守備、劉繼祖指揮尹崇壽領之、三將懸軍深  
入、營於涼山、撒假素與雷波黃螂二夷通、至是興與  
九乍陽爲嚮順、誘賺官兵深入、假導詐降、獻忠輕與  
之盟、遂撤營前驅二十里、軍出山口、賊忽大譟、截掠  
輜重、後隊悉棄甲走、三將死焉、聲聞撫院、具疏於朝、  
命總兵李應祥將兵討之、推副使李用、監軍右副使

彭禁、紀功贊畫、則敘州府唐守欽、同知陳守聽、紀錄  
則成都府同知余紹、運餉則本府同知彭芹、烏蒙府  
通判楊成、參將郭成、朱文達、都司萬鼇、宣慰司楊應  
龍、烏蒙土官祿榮、各部兵咸聽節制、徵調漢土官兵  
共四萬、竝敘南衛三所軍兵、分爲三路、參將郭成率  
敘南精銳兵、由大河壩去馬邊三百里進、參將朱文達、都司  
萬鼇、率高縣弩手、建昌鎗手、由西寧堡進、卜以冬月  
出師、祭旗誓師、監軍李用語、諸將曰、曩者涼山失事、  
皆由將領疎防、茲欲勦巢雪恥、必須探審虛實、相度



機宜俾犄角相維首尾相應切勿輕信深入致蹈故轍又指示方略曰賦乃黃螂結爲死黨若竝討彼必竝力抗王師且糧舟輸輓必由黃螂屋江水名去黃螂五十里以上若拊黃螂以便輸輓而分賦乃之勢俟賦乃平師歸挾兇首而繫之無難此明招暗剿法也時分運餽餉候事斬以徇播州兵搶人亦按法斬以徇雷波通事即譯者能通夷漢兩語懷異志唆撥叛夷九乍亦斬之軍令肅然十二月甲子總兵李應祥自敘戎即敘州府厲練師旅進馬湖發兵攻空黑親擒其酋腳右腳阿係二番賊

雷波廳志

卷二十八

邊防上

三

癸酉克白空天星固大戰三日乃克先是參將郭成傳監軍李用令遣土舍文安民諭安興待以不誅安民機洩興潛約雷波出西球衝突我師西球係出天星固小路

幸偵得逆謀有備無患萬曆十六年正月己丑撒假糾眾由大木瓜兩路突襲官兵營播州兵大呼總兵李應祥截取其械杖始退壬寅參將朱文達都司萬鼇兵破小木瓜二月辛酉大戰破大木瓜乙丑參將郭成分兵三道直擣賦乃賦乃奮力攻殺血戰數日男女突逸悉擒之丙子合兵攻魚塘口斬白魁魁係



殺李獻忠之賊也。先李獻忠為賊所逼逃入夷窠白魁截殺之。戊寅參將

郭成遇賊於葫蘆山大破之。葫蘆山孟獲故窠也。三月己丑諸

將合兵攻涼溝、鏖戰於百合谷。或云百合谷即孟優廬居處。斬白

曾阿什咱。撒假之弟。辛丑破小涼山啞泉岡。啞泉岡去小涼山十五里。

至今穴存焉。人食之皆失聲。庚戌破老鼠岡。孔明打

卦石擒撒假妻及男女四月甲寅參將朱文達兵渡

瀘口。即瀘水也。破鷹嘴崖辛酉參將郭成兵破七洞關。一名

大水關。甲子破聚獸坡藤甲崖壬申破革窰洞撒假勢

窮感裹乾糧合心腹四十八人雌伏三寶山。山產黃連貝母

雷波廳志

卷二十八 邊防

四

附子故名。石壁中求救於各洞蠻酋仍令二小夷伺官兵

咸擒之內外隔絕官兵駕雲梯眺之見賊矢盡乃探

崖排碕連雲梯逼之夷四十人多射死遂斬撒假醢

之而渠魁授首矣己卯發兵攻窰黑遇風雨大作山

嵐霧起士卒稍怠參將郭成奮勇先登師遇西姑擺

大戰擒之壬子移師攻黃螂破祛裏密俘安興母楊

氏興遁去五月乙酉破海腦壩辛酉破那古壩俘安

興妻沙氏辛酉都司萬鼇攻石坡羅坡圍破之俘安

興興貌雄傑力敵萬夫先是假被誅興自度不免密



議同安勉安興之弟據祛裏密以抗官兵因戲以刀劈竹

反傷左足不能行至是就擒戊寅下令班師雷波楊

九乍潛藏四山崖門等處未獲初其妻馬氏曾阻九

乍及大兵至自度難免率眾投降照舊管轄雷波萬

歷十七年奉撫院再檄速擒九乍俾無餘孽監軍道

李用會行參將郭成差人切責馬氏密將九乍出獻

免致全家誅戮時馬氏有女一姿甚美母所最愛隨

父潛匿被獲至敘州府收禁知府唐議欲得九乍因

結馬氏心遂以女還之馬氏益感勵密語耆把烏雄

雷波廳志 卷二十八 邊防上 五

叫卜等刻染血牌前去河全窩雷波深處不計里去石角隘八日誘

九乍出親帶部夷於五月初四日行至小木瓜伏兵

四起九乍隨抽刀拒敵參將郭成部下把總李必得

封朝用鎗傷九乍左肋生擒之至西寧傷重自死以

屍獻所稱三雄俱相繼殄滅生擒百餘斬首千餘敵

血埋弩誓不復反南蠻平定參將郭成之績居多部

下李必得封朝用血戰為最撫院具疏文武將吏功

次以聞省志

按臚乃諸夷種緣孟獲裔衍夜郎僭號稱王兇殘蒼

馬氏何年  
人心已平  
子此其人  
月不可失  
美人固好  
口之者也



赤自謂怙惡憑險莫可誰何及大兵一至若摧枯拉朽相繼殄滅上舒天朝西顧之憂下洗邊民荼毒之憤開拓疆宇恢廣輿圖誠曠古所僅見者也萬曆十七年敕曰賦乃諸夷帖服蕩平除諸將士照功陞賞其苗民餘黨未靖若善後無策又安望長治久安與爾撫臣其同諸文武量地度宜審處時勢定爲經久之模以陳尋十二月撫院徐巡按何查議善後事宜酌九隘險易之勢定大小相制之宜條陳十二事從之遂於馬湖府設安邊同知一人守備一人皆給印

雷波廳志

卷二十八

邊防上

六

綬同知食正四品服俸守備以都指揮體統行事頒授敕書申明節制其要害築城二堡列兵千五百名戍之布恩信務修和寬則因俗急則相機責在同知察營壘偵向背寬則練息急則張皇責在守備乃就新鎮鄉築城九百雉賜名馬邊中城爲同知署旁爲分司公館以備守備往來駐札進五十里爲兩河堡設把總一員渡江上煙草峯兩崖岸峻千仞濤湧萬壑鳥飛難渡造鐵纜三條凌空成橋名鐵鎖橋列兵一百名守之又進十里許築城四百雉中城建同知



署後爲守備署，再後爲敕書樓，列兵二百名戍之。又南爲施家寨，屯兵一營，共二百名戍之。又迤北爲水池，築一堡，屯兵一營，共二百名戍之。中營實守黃鵬，屯兵一營，共二百名戍之。檜溪屯兵五十名戍之。鄉勇協防邊隘，相望築亭障。入庚寅始告成事，更移兵備道於馬湖，建署於湖之東街，以資彈壓。於是始設屏山縣，治發官銀四千三百四十兩買民地週圍一百三十六丈二尺，建署於馬湖府署之東，內縣丞衙門一座，典史衙門一座，陰陽學醫學申明亭官設知

雷波廳志

卷二十八

邊防上

七

縣縣丞典史各一員，六房司吏二人，典史二人，陰陽官醫官各一員。又以地方蕩平之初，夷俗未化，業儒者少，議於黃鵬雷波各建社學一所。由本府考選德性端謹、曉暢文理社師二人，免其雜差，令彼到處訓教夷童，俾其識字讀書，候其風俗變化，人文蔚起，詳請建設屏山儒學，以廣人才。又設巡檢司於黃鵬之懶坎坪，又議更夷名，更夷都鎮爲中都鎮，沐川副長官夷姓者更爲夏，用夏變夷自此始也。又立通把守水池香樟一帶，立張敬宗爲土把總，給以冠帶，就於



水營內撥兵二百名與之防守。又立降夷約，它爲通事。又修薛文清公書院，又建立關王廟，在府西四百里。黃鰲懶坎坪，因兵備道擒安興時夢神授以方略。次日遂獲安興，建廟以彰其靈。又建優恤戰士祠壇，設於蠻夷司，週圍牆垣二十四丈，以兵卒效死敵愾，憤不顧身，靈爽助虎狼之威，英智奪犬羊之魄，建祠以彰優卹，設祭以勵忠勇，善後之策，無不周備。靖邊錄

國朝雍正六年，雲南米貼夷婦陸氏不法，戕雲南官兵。

四川雷波土司楊明義陰助之，陸氏誘附近結覺阿

雷波廳志

卷二十八

邊防上

八

旨進剿陸氏就擒，廷桂帶兵由馬湖進圍吞都山，破夷寨，斬

路阿照平底等夷人作亂，巡撫憲德提督黃廷桂奉

賊首屋雞母雞等二十餘人，復由雷波黃鰲中路進

令副將張玉駐黃鰲，以資彈壓。王剛駐竹核，互爲聲

援，遊擊康世顯渡金沙江，斷賊歸路。王安民、吳維翰

高麟瑞、何懋甫等由馬湖截剿，斬賊二百餘人。賊遁

入磨石簸箕壘，壘兩山緊抱，一峯半山，崗寨數十，夷

眾持標鎗毒矢，積巨石據守木柵。廷桂分遣官兵四

面攻擊，一日克九崗，直抵黑龍崖黃草坪，大破之。軍



至拉密生擒明義并造謀人卑租及賊目業姑物租等斬賊目達姐奪寨一百餘隨勦附近黃螂之確里密等支夷人礮斃賊酋利耶竝翦阿都夷夷人擒獻其酋阿必阿驢夷亦就撫結覺阿路諸夷以次平招撫夷民共計一千五百九十六戶留兵駐之以資防範先是越嚮衛阿羊蠻加巴貫子劫掠商旅每月朔望必派撥官兵五十名護送往來名曰放哨自提督黃廷桂削平結覺之後道路蕩平往來絡繹無阻竝安設敘馬建武馬邊大壩峩邊安阜普安各營屬永

雷波廳志

卷二十八

邊防上

九

宜協管轄以資控制

省志

四川巡撫憲德招撫雷波苗民疏題為招撫苗民事據四川布政使司布政使趙宏恩詳准永宜道移稱案奉本都院牌開雍正六年十一月初六日准提督黃廷桂咨照得雷波阿照等處賊蠻勾結跳梁誠為國法難容本提督奉

命進勦仰仗

天恩其首惡賊黨悉已擒勦苗疆亦已底定進勦之時各處苗疆有扶老攜幼匍匐行營誠心歸順者俱經安插倘有老幼夷獠畏威逃匿山林者既屬無辜自當仰體

皇仁子

以招撫使之仍歸任牧各得其所又必善為化誨令其認納稗糧每歲徵收可以繩其野性今本提督駐劄竹核相距雷波阿照等處路途遙遠不能辦理惟冀貴道會同遵義協副將張玉敘馬營遊擊鄂世威逐處招撫查明戶口分晰納徵數目造具清冊分送再有逸賊二名達姐覺木雖非正犯係卑租供出之



夷前派兵搜檢據捉獲苗民供稱逃往結覺今結覺已平查無遠姐等蹤迹未知生與死今乘招撫之便詢其就撫諸苗查明去向即與駐防協將商酌搜捕庶不致漏網等因除照會永寧道並行遵義協副將外相應備移等因到本都院准此合就檄行爲此仰道官吏查照牌內咨移事理即便星速會同遵義協副將張玉敘馬營遊擊鄂世威將雷波阿照等處逐一招撫查明戶口分曉納糧數目令其認納裸糧造具清冊以憑題報等因行查去後今據該司道詳報前來該臣看得雷波阿蘇等處賊黨勾結跳梁助逆不法奉

旨命提臣黃廷桂統領漢土官兵進剿仰仗天威遠震首惡兇黨悉已就擒勦撫兼行苗疆底定但查各王師得離湯火今咸來歸附向化輸誠又當仰體皇仁予以安全俾仍歸任牧各得其所臣准提臣黃廷桂移咨隨行永寧道參議劉嵩齡前往雷波等處會同敘馬營遊擊鄂世威等逐爲化誨加意招撫隨據該道

雷波廳志

卷二十八

邊防上

十

詳以招撫苗民必用賞需行據署布政司事建昌道參議劉應鼎議覆勦撥軍需銀三百兩令該道承領自備賞項帶往招撫地方酌量分賞去後嗣據該道劉嵩齡報稱會同遵義協副將張玉敘馬營遊擊鄂世威等逐一開誠化導宣示招徠旋有雷波壩等處苗民價的六合等並那古壩等處苗民結壁嚙目等共七百七十七戶共計大小男婦三千七百一十四名先後投誠就撫查驗各苗民俱係傾心向化仍令各歸舊巢應請分別賞恤將那古壩等處苗民以地土現係成熟止賞各頭人銀牌花紅以示鼓勵雷波壩等處苗民俱在乏食俯仰艱難請於現存軍需米內按口給與斗米以示賑恤又查各苗民地方在在荒蕪時正春耕牛種無措應請酌給牛種俾得及時播墾衣食有賴可否撥銀三百兩同前次所領賞需銀兩通融買給等情臣復行布政司查議據覆似應如該道所請分別賞恤其應酌給牛種亦請如所請於軍需項內動銀三百兩解交該道會同協營等酌量置買散給以廣



皇仁等

情又經臣批令該司動銀移交該道照議速行竝查所賞恤銀米數目及應需牛種為數若干議報題請去後茲據布政使趙宏恩詳稱准永寧道參議劉嵩齡移報那古壩卸甲坡二處苗民共二百零九戶男婦大小八百七十九名止賞各頭人以銀牌錦綾烟布等項共用過賞需銀三十五兩二錢六分雷波壩等處苗民共五百六十八戶男婦大小二千八百三十五名遵照於支存軍需米內動支按口給以斗米共給過米二百八十三石五斗至各苗民應需牛種議以十戶賞牛一隻共約需牛五十七隻竝合眾苗民共約需稻種雜糧各五十石俱各分途採買逐處賞給以資耕種統俟事竣一併核實報銷餘有銀兩歸還軍需原項合竝聲明移令該道將各苗民戶口花冊及有無願納稞糧此外再有續招苗民作速查造清冊移送至日另詳咨部等情詳請具題前來臣覆查無異除飭令永寧道照造各冊至日另咨送部外所有招撫苗民動支軍需銀米分別賞恤竝約計酌給牛種數目理合先行題報臣謹具題伏祈

雷波廳志

卷二十八

邊防上

十一

皇上敕部查照施行

嘉慶七年涼山夷匪滋事焚燒羊子橋東林鄉等處民房提督豐紳臬司董教增會同建昌總兵張志林來雷辦理查明起釁各節將肇衅奸民劉萬林石九萬等按律定罪並飭土舍楊繼武將首先滋事夷匪扭扭等六名刻期縛獻正法示眾以警兇頑各支夷畏罪輸誠各出永不滋事甘結然後宣示威德遣散歸巢各鄉被擾難民分別撫卹志林帶省標兵五百名暫駐雷波以資鎮撫邊事悉平



提督豐紳按察使司董教增勦辦夷務疏嘉慶七年七月二十九日會摺具奏為查辦雷波夷務完竣業將首先滋事之漢奸夷匪審明嚴辦各緣由恭摺奏請

聖鑒事竊奴才等前奉諭旨飭令將雷波夷匪焚搶之案相機辦理並示以聲威令將首犯縛獻究明正法示眾如係漢民理曲構衅亦即對眾將該犯正法使夷心畏服可期日久寔謐等因先經臣董教增查明此案起衅根由及拏獲漢奸竝飭令夷目縛送首惡各情形於六月二十四日恭摺奏

聞嗣奴才豐紳帶兵到來亦將會同查辦緣由於七月初十日具摺覆

奏各在案伏查此次滋事猥夷先因陳藹吉之店夥張華毆斃搶布夷目若底而起繼因漢奸李逢春殺死夷婦結囊一家七命復有厥徒劉萬林等擅殺夷目別立威計以致眾夷挾憤糾約涼山生番出而滋事自臣董教增到彼會同總兵張志林將各起漢奸飭

雷波廳志

卷二十八

邊防上

十三

屬按名拏獲各夷眾又聞奴才豐紳帶領重兵前來心懷畏懼經奴才等傳集土舍楊繼武並各處夷目聶什黑孃等示以兵威諭以利害該土舍等深知感畏自限十日內將為首夷匪查明全數縛獻聽候審辦連日陸續獻出扭扭所粟雙合大娃子刻別呆呆等六名並據該府廳續獲滋事漢奸石九萬等十二名與先獲之劉萬林等九名一併提齊到案奴才等即督同本任敘州府知府淡士灝代辦敘州府事水利同知崔特峯署雷波通判劉長庚渠縣知縣張敏樹逐一嚴加訊鞫緣陳藹吉在雷波屬之羊子橋中山坪兩處開設雜貨布疋等舖嘉慶六年十二月間向夷人格別買猪入口尚欠銀十兩未清本年四月十五日有夷目若底帶領扭扭等五人至羊子橋店中代格別索討欠項陳藹吉在中山坪未回店夥張華因其並非賣猪之人不肯償還若底即搶布兩捆作抵張華扭奪互毆致斃若底伊奴扭扭阿粟等因若底被毆身死即起意糾約夷人刻別等率眾報仇先將羊子橋布店焚燒張華旋即逃避又因陳藹吉



在中山坪開店復至該處焚掠以致延燒房屋多間刻別等因事已釀成不敢散歸適是月二十一日李逢春朱勇松在羅三溪渡口與夷婦結囊口角將結囊殺死六名口該處夷民大娃子等糾眾赴羅三溪欲追尋李逢春等報仇途遇刻別等亦即邀同前往燒搶遂擾及田家灣長河壩等處該處文武一面稟報一面查辦詎有厥徒劉萬林石九萬宋文元賀么大王仕朝張榮貴郭伸徐斌唐正科因聞猥夷鬧事挾夷人不允開厥之嫌起意將夷人激變請官兵進勦希冀在夷地開厥夷人不敢攔阻遂帶領砂丁起身路經密密山夷地郭伸等將夷人房屋燒燬十餘間於二十二日進參將衙門聲請發兵適遇奉官傳到之夷目威計別立石九萬宋文元劉萬林等即將該目二人立時毆斃各夷聞知更加不平又糾約涼山生番二千餘人出來滋事志在報復並由東林鄉羅三溪一帶擾及屏山之西宜鄉致將各處房屋燒燬六百四十餘間先後殺傷民人二十五名口惟不敢與兵役抗拒迨奴才等帶兵前來旋即退散陸續

雷波廳志

卷二十八

邊防上

三

拏獲漢奸李逢春等二十一人又據土舍楊繼武將首先滋事之夷匪扭扭等縛獻六名奴才等連日督同委員嚴加審訊各供前情不諱茲據烏角大谷堆扒哈一十三處夷目聶什等親赴奴才等軍營出具約束夷眾永不滋事木刻甘結環跪乞恩情詞極為畏懼奴才等諭以

國家立法一秉至公無論漢夷祇分別有罪無罪一律辦理毫無偏向此次若底搶奪陳藹吉布疋店夥張華向前扭奪互毆致斃並非無故逞兇即李逢春等擅殺夷人亦各有應得之罪乃爾等並不向官呈訴竟敢糾眾燒搶情罪實為重大本應進兵勦洗姑念爾等向知畏法將為首滋事之人依限查明獻出我等當奏懇

大皇帝

施恩寬宥該夷目等均各伏地叩頭認罪奴才等當將夷匪扭扭阿栗刻別大娃子呆呆雙合六犯正法示眾茲將各夷目遣散去訖其為首激變之劉萬林石九萬宋文元賀么大王仕朝張榮貴郭伸徐斌唐正科李逢春朱勇松等十一名遵



一併正法張華本非負欠猪價之人即已死若  
底亦非賣猪原主該犯因其搶去布疋抵欠趕奪互  
毆致將若底毆斃係屬尋常鬪毆張華合依鬪毆殺  
人者不問手足他物金刃並絞律應擬絞監候其與  
李逢春同行之李萬陞謝昌榮二犯雖未殺人行兇  
究屬玩法應比照附近番苗地方民人等擅入苗境  
聚眾兇毆殺死人命斬決例上減一等請發伊犁充  
當苦差又隨同劉萬林等赴參將衙門滋事之曾懷  
德蕭添元金福朱萬成許福傳等五犯並未放火殺  
人惟同至官衙滋事實屬不安本分應照不法之徒  
挾制官長喧鬧公堂照光棍斬決例上減一等請一  
並發往伊犁充當苦差陳藹吉於張華打死若底之  
時雖不知情但其負欠不償幾至釀成邊衅未便稍  
從寬宥應照私通土苗引惹邊衅發邊遠充軍例上  
減一等杖一百徒三年至配所拆責充徒所欠夷人  
格別猪債照追給領會茂堂因房屋貨財先被焚燒  
隨同劉萬林等赴參將衙門探聽請兵信息情尚可  
原請照不應重律杖八十折責三十板未獲各犯另

雷波廳志

卷二十八

邊防上

古

行分別緝拏究辦至被難民人當夷匪燒搶之時無  
不紛紛驚避為數不下五六千人先經雷波屏山兩  
處地方官陸續招來如詢係外州縣搬住雷波未久  
者即酌給路費令其各回本籍如在該處佃耕貿易  
日久房屋已被焚燒又無籍可歸者按名散給銀米  
妥為撫卹其被燒房屋亦令查明數酌給修費以  
資棲止現已各安本業間有未經歸業之人或稱被  
涼山生番擄去者已嚴諭各夷目逐一查明送出至  
雷波地方自雍正六年改土歸流之後本係漢夷雜  
處並無卡隘與峩眉之各有界址者不同此時自應  
仍循其舊准附近營分額兵本少兼以奉調出師益  
覺汎廣兵單近聞將軍臣德楞泰已將建昌阜和峩  
邊永寧普安等處營汛兵丁遣回歸伍但到營尚須  
時日奴才又不便帶兵久駐是以現酌留省標兵五  
百名交總兵張志林管理暫駐雷波以資彈壓一俟  
建昌等營征兵撤回之後再將省兵撤回以昭慎重  
奴才豐紳現於拜摺後一面帶兵起程一面咨詢督  
臣勒保何處有賊即何處搜剿臣董教增亦即隨後



回省除將全案供招呈明部臣核辦外所有查辦雷  
波夷務完竣業將漢奸夷匪審明嚴辦各緣由理合  
繕摺馳  
奏竝錄各要犯供單恭呈

御覽伏乞  
皇上睿鑒謹  
奏

嘉慶十九年二月涼山庚掌家大阿六家等各支夷  
人因歉收滋事集眾焚掠銀厰溝馬頸子東林鄉各  
地擄去漢民多人 制憲常明當飭該管永寧道劉  
斌敘州府知府張瑞溥前往查辦隨派游擊德印余  
步雲帶領永寧等營官兵五百名馳赴防剿由千萬

雷波廳志

卷二十八

邊防上

十五

貫吳家壩長河壩一帶進抵大谷堆緊逼生番門戶  
逆夷大木杆小木杆阿合蘇噶烏拋庚渣等支恃其  
巢穴險遠峭壁深林中多積雪抗拒不服 常憲添  
調省標松潘兵一千名交提督多隆武帶赴雷波會  
同永寧道劉斌等相機剿辦五月多隆武等在伊布  
噶拉地方殲獲生番多名又深入涼山痛剿番匪兵  
威大震各支夷相率投誠出具切實木刻永不滋事  
夷務既平撤兵歸伍

賽冲阿常明剿獲生番疏  
奏為提督多隆武進剿雷波夷匪在伊布噶拉地方殲



獲生番多名竝現現在商辦各緣由恭摺奏請  
十七日會同永安道劉斌並帶同敘州府知府張瑞  
溥及將弁兵丁等在雷波起程由千萬貫長河瑞  
帶翻越山嶺至大谷堆地方沿途查問熟夷竝據參  
將李廷揚游擊德印帶領大涼山生番五豈頭人牛  
力六合頭人木乃糊孤洛頭人仰密各帶娃子來營  
投順訊據供稱本年滋事夷人係大阿六家小阿六  
家蘇疇家害乃家庚掌家等支生番因恃黃茅岡山  
路險要出巢掠搶糧食該頭人牛力木乃仰密等竝  
未隨同滋事現在大阿六家等各支生番尚據黃茅  
岡抗守等語多隆武隨將該頭人等酌加賞號一面  
督率進剿於二十二日由大谷堆前進行經老林數  
十里不但山勢險峻且值深山雪化之時徑路泥湓  
官兵行走維艱及至黃茅岡下竟係危崖險壁無路  
可通其旁側小徑該夷匪等已將木石塞斷因即令  
官兵帶同投誠夷目阿四通事賴合等另為覓路  
徑減帶鍋帳攀援而上多隆武劉斌張瑞溥亦俱與

雷波廳志

卷二十八

邊防上

去

將弁等徒步行走鑽越深林密箐始至山梁伊布噶  
拉地方該夷匪等踞險抗拒一見官兵即吶喊哨聚  
多人滾擊擗石眾官兵向上仰攻該夷匪等又復施  
放箭石以死抵禦時有千總李文翰沈占魁外委梁  
有才楊貴買大倫兵丁邱占魁王登寅等奮不顧身  
冲突上前與夷匪刀矛相接王登寅殺斃夷匪一名  
手帶刀傷買大倫身帶矛傷楊貴立斃夷匪三名梁  
有才邱占魁均各立斃夷匪二名正在彼此相持適  
據普安營把總王耀龍回稱該夷匪所據之地右面  
係屬懸崖惟左面箐林另有小路可以抄越而上多  
隆武隨令參將李廷揚游擊余步雲曹興邦守備張  
必祿帶兵六百名前往張瑞溥亦帶壯丁接續前進  
多隆武與劉斌率同將弁等仍扼入山梁多方鼓勵  
眾兵奮力攻擊竝派令都司左位守備周澤洪王文  
衡等緊顧後面該夷匪等抵禦多時箭石漸稀我兵  
鼓勇向前鎗礮竝放李廷揚等率領官兵及張瑞溥  
所帶壯丁亦已從小路抄上前後夾擊該夷匪始行  
慌亂眾兵一擁直上刀砍矛戳殺斃夷匪八十七名



拾獲十六名受傷後滾崖跌斃者無數竝獲籐甲五副柴弓弩箭三百餘副刀矛一百六十餘件餘匪四散奔逃時已傍晚路徑生疎未便再行追剿隨於天喜地方暫為駐紮次日復派參將李廷揚等帶領兵丁在於夷匪逃竄地方逐細排搜復搜獲夷匪七名竝將庚掌家所管阿唸鹿角結巫夷支壩等處夷房焚燬搜獲牛羊馬匹一百餘頭匹救出男婦難民三十八名口多隆武卽會同劉斌將前後擒獲之活夷木力等逐一訊明此次出巢滋事實係大阿六小阿六蘇噶害乃庚掌等支生番亦有熟夷在內勾結其庚掌一支之黑骨頭阿拉已被官兵殺斃現在官兵擒獲夷人內甲哈等九名俱有隨同焚擄抗拒等事其餘俱係安分夷民多隆武劉斌於訊明後隨將甲哈等九犯就地處決臬示其未滋事之那良等十八名亦卽釋放竝令張瑞溥酌給難民口糧令其各歸原籍仍多發木刻遣人在生番地方剴切曉諭如敢抗拒不卽投誠卽須進兵剿辦等因寄信前來奴才等查涼山生番支數繁多其曾經出巢擄掠者固不

雷波廳志

卷二十八

邊防上

七

可不痛加勦辦其餘竝未滋事之生番自應分別招撫以安其心多隆武現在深入夷巢已將險要之地立時攻克殲斃多人該夷匪無不喪膽此後自應一面督兵前進一面將安分生番好為安撫卽令轉相曉諭相率投誠該夷等於震懾

天威之後復蒙

寬天之恩自必抒誠嚮化不敢妄出夷巢再有滋事奴才等現已信致多隆武囑其酌量情形妥為籌辦所有多隆武進勦生番在伊布噶拉地方接仗獲勝竝奴才等商辦緣由謹合詞繕摺具奏伏乞

皇上睿鑒謹

奏節賽冲阿常明奏勦番夷疏

聖鑒事竊奴才等以該番匪等兇狡成性動輒出巢焚掠擾

害漢民實屬邊境之患我軍旣已勦辦得手亟應乘此兵威深入痛勦務使實在畏懼方足久靖邊隅不



可稍存姑息寄信與提督多隆武竝飭知道員劉斌  
等奮力妥辦去後茲接據多隆武信稱竝劉斌稟報  
自天喜起程深入夷地各處生番投誠者接續而至  
多隆武劉斌逐加查訊此次出巢焚掠究屬何支夷  
匪據供實係庚掌家分出之牽哈格勒鹿托鈕克鹿  
磨塔哈四支大阿六家分出之雙老一角亦澤洛特  
洛三支小阿六家分出之補節一支馬甲家分出之  
三崗地歪冷密壩易雞角西巫甲五支阿蘇家分出  
之易西立堡二支蘇噶家分出之六季等二支共十  
七支其各支爲首者係庚掌家夷目阿拉馬甲家夷  
目畢格羊杆阿蘇家夷目木足蘇噶家夷目季雞大  
阿六家夷目玉結等六人其孟謝害乃二家竝未滋  
事等語多隆武等反復訊問僉稱屬實竝查明孟謝  
害乃二支夷巢距焚掠之地本屬窺遠且均係小支  
素稱安分所供竝無虛飾隨卽發出木刻傳諭各支  
滋事生番令將擄去難民早爲獻出竝將爲首各兇  
夷縛獻聽候懲辦詎該番等倚恃山梁負隅抗拒兇  
逆情形實堪髮指多隆武當與劉斌率同文武員弁

雷波廳志

卷二十八

邊防上

六

由木果克一帶冒雨前進於五月初三日行抵小阿  
六家之補節地方該番等依山抵禦我兵極力攻撲  
鎗礮齊施該番等始各四散奔逃我兵乘勢追殺殲  
斃多名滾崖撲水致斃者甚眾正在焚燬夷巢排搜  
夷匪聞據探兵報稱馬甲大阿六等支生番聞官兵  
深入涼山卽互相糾結乘寨搬移均在挖曲老林屯  
聚計有二三千人與我兵相距約止三十餘里惟番  
兵屯踞半山我兵直前迎撲必須向上仰攻恐難得  
手多隆武當與劉斌酌議派令參將李廷揚王泰游  
擊德印曹興邦都司左位守備張必祿等帶兵一千  
名繞道疾行抄至挖曲老林之後俟聞前面鎗礮聲  
響再爲衝出以上壓下多隆武與劉斌督同參將朱  
承受遊擊余步雲都司陳文耀守備郭成王文衡周  
澤洪署守備千總趙國柱候補守備呂應揚等帶兵  
一千名知府張瑞溥帶領自募壯丁二百五十名攀  
籐附葛直上山梁該番等遙見我兵卽哨聚抵敵多  
隆武劉斌遣千總李文翰胡廷棟帶領兵勇遙爲誘  
敵讓過該番等滾木播石之後卽用大礮轟擊李廷



揚等一聞礮聲即由後衝出掩殺多隆武劉斌督率官兵一擁搶上該番眾分頭抵禦我兵前後夾攻當有千總李懷芳臧青雲把總王耀龍日鍾玉外委劉添德楊昌化等率領兵丁首先上前殺斃兇夷數名該番等始覺慌懼維時帶有投誠生番一扃在營作為眼目指稱身穿皮甲指揮番眾者即係為首兇夷畢格當經額外委章朝富藍翎馬兵張勇併力直前將該犯生擒眾番潰亂我兵緊躡追擊殺斃生番二百七十餘名生擒七十餘名奪獲刀矛籐牌柴弓弩箭七百一十餘件盔甲六副馬牛羊豕七百二十餘頭匹救出男婦難民趙五等五十二名口時已昏暮隨於博火地方紮駐次日多隆武劉斌復商派李廷揚朱承受德印余步雲張必祿郭成等帶兵前赴易西立堡將會經出巢滋事之生番查辦如敢抗拒立加勦洗該將備先至易西地方當有夷目豈力等率眾環跪投誠供稱易西夷人係阿蘇家夷目木足逼令同掠物件並未隨同焚燒木足現在立堡藏匿立堡現有人來約我易西夷人指引官兵到彼將木

雷波廳志

卷二十八

邊防上

九

足網獻各保性命等語李廷揚德印等即押同豈力等前赴立堡該支番眾立將木足連兇夷惡格等一十三名一並細出叩頭乞命並送出難民二十四名李廷揚等一並解回大營多隆武劉斌先將惡格等一十三名訊稱出擾不諱遂對眾一並處以極刑復傳令一扃指認木足實係正身並訊得委係為首兇夷隨將該犯與畢格一犯一並羈禁其立堡易西兩處番眾既經細獻首惡自知悔罪應即准其投誠論令各回本寨所有在挖曲等處活捉生番雞力等七十五名俱會出巢焚掠又敢抗拒官兵均即正法並令一扃即割回首級逐一指認稱有大阿六家雙老一角等支首犯玉結馬甲家冷密壩等支首犯羊杆首級在內多隆武等復傳令附近生番認明兪稱屬實當將該二犯首級發於雙老一角冷密壩懸杆示眾其送出難民一並發交知府張瑞溥給與口糧令歸原籍此外尚有蘇噶家六季二支生番曾有焚擄情事已派候補縣丞袁詩燕千總李文翰署把總舒耀龍等帶領投出生番前往宣諭仍一面探明路徑



設法進剿等情奴才等查該生番等僻處險山之中  
妄謂兵不能深入其巢因敢出掠無忌今我軍不避  
險阻奮力進剿將庚掌家大阿六家小阿六家馬甲  
家等支兇夷大加剿戮焚燬夷巢其各支首犯庚掌  
家之阿拉前仗業經殲斃畢格木足業已生擒玉結  
羊杆二犯此次亦復殲斃立堡易西二支震懾兵威  
抒誠投順惟蘇噶家分六季等現在知會多隆  
大兵到日自不難即日殲除奴才等現在知會多隆  
武竝飭知劉斌等將蘇噶分支趕緊辦竣其未經滋  
事各支妥為駕馭使之益知感畏茲俟番地事竣卽  
將勾結滋事之熟夷查明懲辦使皆一律懾服更足  
以綏輯邊疆至官兵節次進剿所歷峭壁深林皆往  
時漢民足跡不到之處冰雪初消陡仄險滑各官兵  
衝冒矢石奪險攻堅自多隆武而外員弁兵丁實屬  
倍常出力劉斌親率士卒一同攻剿且自夷匪滋事  
之始該道先抵該處撫卹難民樽節糧餉及勦撫等  
事籌辦均各得宜實屬事事奮勉所有多隆武等深  
入涼山痛殲番匪進剿情形謹繕摺馳奏伏乞

雷波廳志

卷二十八

邊防上

三

皇上睿鑒謹

奏

節賽冲阿常明奏勦辦番夷歲事撤兵疏竊奴才等  
前將雷波一路官兵於控曲地方續獲勝仗進剿各  
情形繕摺馳

奏

在案維時多隆武劉斌查明滋事生番疊次痛剿將  
首犯先後擒殲惟有蘇噶家分二支相隔甚遠尙  
未直搗其巢多隆武劉斌一面遣令縣丞袁詩燕千  
總李文翰前往宣諭一面帶兵繼進行抵巴欠地方  
距蘇噶家夷巢不遠遂見有該寨夷目納足六季及  
番眾等環跪投首聲稱我們蘇噶家夷人向俱本分  
只有分出歸六季管的兩支一百餘人附合庚掌家  
等出外燒搶是季雞一人爲首季雞昨亦帶人到控  
曲地方拒抵官兵死傷多人季雞情急害怕帶領兇  
夷十餘人逃回寨內六季竝未同夥季雞平素亦不  
服六季管束今情願將首犯兇夷一併細獻懇免株  
連等情多隆武等察看該夷畏服情真允其所請當  
據將首犯季雞及兇夷巴布等十二名一併縛獻竝



皇

送出擄去漢民劉鶴齡等三十五名當令別寨投誠  
夷人認明季雞委係正身並據供認率領巴布等出  
巢焚掠拒敵不諱多隆武劉斌當將季雞及前此所  
獲畢格木足二犯對眾凌遲處死兇夷巴布等十二  
名一併正法難民交張瑞溥撫恤安置並向各番夷  
等宣諭以

皇上威德覃敷無遠弗屆爾等雖係異類皆在  
生成覆載之中不忍稍存外視今因自作不靖上干  
天討但滋事者法所必誅安分者仍予矜宥倘此後再有

不法季雞等便是榜樣各番伏地叩頭戰慄聽命連  
日不但大小涼山各家生番赴軍門投誠出具不敢  
滋事木刻即遠在建南挖谷等處頭人及附近馬邊  
之普車阿車捏別水雨等處猓夷均各到營呈訴其  
守法向化之心疊經多隆武劉斌開導駕馭而去多  
隆武將生番辦竣遂將官兵撤至大谷堆查辦熟夷  
查熟夷處生番之外層生番出掠須由夷地經過其  
中不無暗相勾結之人然熟夷地面較寬若通行查  
辦恐全境易滋疑懼大小谷堆為生番出入門戶該

雷波廳志

卷二十八

邊防上

三

夷目石刻附和焚掠確有指證當將該犯拏獲並訊  
明前此所獲熟夷比思別孃二名係阿蘇家首犯本  
足之妻舅木足欲出漢地焚掠遣人先與說通後又  
代探官兵信息提訊各犯均供認不諱多隆武等傳  
集各地夷目令其看視行刑將石刻比思別孃三犯  
皆即凌遲處死又有夷目克布底窩二長子黃啞二  
娃子萬力等六名雖訊無焚搶確據但素行橫暴為  
漢民所痛憾均拏交雷波廳監禁如僅遷徙安置仍  
恐乘閒潛逃應發往烟瘴地方充軍多隆武劉斌復  
向各熟夷曉諭利害示以恩威各熟夷亦皆觸目驚  
心僉稱此後當互查暗通生番之人送官懲辦如生  
番經過其地有不竭力攔擋者情甘一併勒洗亦出  
具切實木刻畏服出自真誠奴才等查雷波夷匪倚  
恃險山動輒出擾若不用兵勦辦不但不能使之畏  
懼而此後必更鴟張所慮者一經動兵驟難歇手而  
勞師糜餉在在均費經營今幸仰仗  
天威竝未多調官兵迅速蒞事提督多隆武道員劉斌等辦  
理輕重得宜而此內亦竝無枉縱各地番夷聞風震



恩鼓勵所有雷波勦辦竣事緣由謹繕摺馳奏伏乞  
皇上睿鑒謹  
奏

懾此後定可日久相安不敢窺伺生心邊疆得以益  
謐多隆武不日已可回省奴才等業將所調官兵撤  
令各歸原營傷亡兵丁另行卹賞其應辦善後事宜  
容卽次第察核督飭辦理所有在事文武弁兵等另  
摺懇  
道光十七年馬邊夷匪滋事督憲鄂山檄至命雷  
波廳文武議邊防廳主門崇署參將李萬春會議以  
外委蕭連貴帶兵五十人至甘落三溪防守李萬春  
帶制兵二百人駐營於大小谷堆門崇招鄉勇二百  
人交李萬春管帶協助防守當是時雷波尙稱全盛

雷波廳志

卷二十八 邊防上

三

疆域寥闊如長河壩西蘇角等處今日稱爲夷巢在  
道光時尙屬內地故萬春出防直至大小谷堆亦時  
勢然也萬春到防已逾一月夷眾尙安靜未動有黃  
螂司巡檢王如芬者辦糧站隨防見夷婦女七人經  
壘前過命縛之押送廳城廳主門崇亦不詢其所以  
械七人獻俘大府而其實乃恩札支黑夷婦女出外  
探親者也恩札本大支夷俗又重婦女聞失女事含  
憤次骨遂集本族並煽動各支糾合三千餘人欲塌  
防軍營壘土司楊文密得賊信以報萬春萬春揣不



能敵、連夜退營羊子橋、而夷匪已跟蹤追至、先破糧站、王如芬死之、李萬春策馬先歸、兵勇陸續潰敗、陣亡百數十人、夷匪乘勢四出滋擾、烽火逼廳城、土垣三版、岌岌危殆、門崇飛稟告急、請兵赴援、維時馬邊已用兵、派建昌鎮總兵張必祿、成都府知府謝興翹、會同勦辦、至是雷波復叛、督憲商令提督余步雲、齊慎按察使司多歡同往雷波、會商進勦、以門崇辦事不力、撤任回省、命慶符縣知縣劉耀庚來攝廳篆、李萬春摘去翎頂、以觀後效、八月二十日、劉耀庚到

雷波廳志

卷二十八 邊防上

三

任視事、續募鄉勇一千八百人、命監生王名相、文生盧應剛、軍功陳應剛等分配管帶、駐防羅三溪、牯牛壩、二稜岡、馬頸子、黑角等處、九月二十日、提督余步雲、齊慎按察使司多歡帶官兵三千八百名、金川屯兵五百名、先後馳抵雷波、由那比汛進發、先勦吳家壩、羊子橋、大小谷堆、魚洪、天喜、斬獲無算、乘勝抵夷車壩、沿途搜勦、並遣別將會張必祿之師於角落溪、後山、將阿黑、庚札、吳奇等支、痛加勦洗、各支夷聞風膽落、牽牛齎酒來營投誠、並獻難民贖罪、自誓永不



復反兵威遠震越嚮阿都土司等亦復至營請降余步雲等會議以該夷相率求撫尙知畏威不足久煩兵力乃分別犒賞遣散歸巢自率大軍取道越嚮班師回省其餘未了之緒札飭通判劉耀庚參將李萬春等督率兵勇妥爲籌辦耀庚負邊材旣熟夷情兼習兵事其所募鄉勇一千八百名皆附近農民習勞善戰自余步雲凱旋後夷匪仍時出窺伺均被兵勇擊走十八年七月二十四日夷匪糾集四千人至三稜岡直撲防營統帶鄉勇監生王名相謀定後戰指

雷波廳志

卷二十八

邊防上

三

揮殺賊以四百人破其四千之眾自是夷匪稍斂耀庚籌度邊防大勢夷匪好亂其天性歷來大兵進剿不過勉強受降於邊事毫無裨益而亂且益熾若欲百年無事非大用兵不可乃通牒大府請厚集兵力多籌兵餉選將厲兵四道並進庶足以靖邊陲而垂久遠署督憲蘇廷玉臆其言會同成都將軍凱章四川提督張必祿據情入告奏請撥餉三百萬調漢土官兵二萬人由峩邊越嚮馬邊雷波四路同時大進以爲一勞永逸之計奏上奉



嚴旨詰責以各邊夷務自來無此辦法原奏諸臣降黜有差  
十九年

朝命寶興督四川並查辦夷務寶興莅任別議防邊長策增  
營汛添兵練修碉堡築城垣扼要設防令各邊廳繪  
圖以進劉耀庚會同參將盛世祥親歷夷巢周察險  
隘以三稜岡爲各路總口夷匪出入所必經宜設守  
備一員把總一員外委一員馬步兵練四百名馬頸  
子與三稜岡犄角宜設千總一員外委一員兵練二  
百名城北後山有小徑至三稜岡九十里宜於中道

雷波廳志

卷二十八 邊防上

三五

之乍溝設貼防額外一員兵練二十名以通道路是  
爲右營轄於普安參將又以黑角緊逼夷巢最關緊  
要議移存城把總駐防黑角添兵練一百三十名五  
寶山添兵十名又移牛吃水汛把總於羅三溪添兵  
五十名移虎跳汛外委於偏崖子添兵二十名均歸  
左營管轄又以長河壩吳家壩居民繁庶議築石牆  
衛之廳城土薄不足禦侮請改建爲石城以資保護  
議上寶興於奏定邊防案內據以入告均得

旨允行卽飭劉耀庚創建各營汛衙署兵房城垣碉堡估工



請帑次第興修、並派員督同辦理、耀庚經營創始、不憚勤勞、至二十二年、各工一律完竣、邊事肅清、鄉勇遣散歸農、營兵撤回入伍、與邊民休息。

四川總督凱章

奏官兵勦辦夷匪、自天喜直進涼山、痛加搜勦、兵威大振、即日便可蕩功、疏竊臣等前因馬邊雷波夷匪出擾、令提鎮各臣分往勦辦、嗣又將大兵在天喜會合進攻涼山、各緣由均經奏聞在案。茲臣等於十一月十一日承准軍機大臣字寄、道

上諭前據凱章等奏馬邊廳屬夷匪滋事、委建昌鎮總兵張

必祿帶兵往辦、該夷匪潛越老林、追捕戕官、必得分投夾擊、提督余步雲帶兵徑赴雷波、先將竄匪搜勦、再與該鎮在老林會合、直搗其巢、蕩功可期。迅速等語、計余步雲帶兵前往、迄今已兩月、有餘、齊慎到省

### 雷波廳志

### 卷二十八

邊防上

三

後亦即前往、何以未見續奏、聞該夷勢頗滋蔓、甚為懸繫、現在會勦情形、若何、該將軍等接奉此旨、著急據實馳奏、毋許不實不盡、至進兵攻勦、務須相度機宜、冀得蕩功、迅速慎勿稍事遲延、致令滋蔓、等因、欽此。遵即恭錄、移知提臣齊慎等、欽遵辦理。臣等查歷次辦理馬邊雷波夷務、官兵僅到天喜附近、而該夷等兵至、即遁、皆以涼山為逋逃淵藪、其中阿合等支地險族繁、尤為桀驁兇惡之徒、素多依附、必得深入勦辦、方足以張撻伐、而儆兇頑。臣等屢次批飭張必祿等、務須激勵將弁、奮勇窮搜、不准稍涉鬆懈。一面督率藩司蘇廷玉、檄飭知府呂延慶等、設法濟運糧餉、毋許缺悞。茲據總兵張必祿、知府謝興翹、來稟自天喜會合以後、先驅勦捕、進攻吉薩拉姑、依達至夷車河、並月鹿山水木角等處、連獲勝仗、大加殺戮、計共繳首級四十八顆、生擒夷匪漢奸陸易曲、索李坤山等四十九名、燒燬夷房一百餘處、起出窖藏糧食二百餘石、救回被擄男婦王狗兒等一百餘名。提臣等亦派副將王應熊等先抵夷車壩、會勦、各有斬獲。



該鎮守等又由虫紅脚等處直逼角落溪爲阿合住  
牧之地探聞兇夷納茲等率眾屯聚年站落哈猓等  
處要隘備敵張必祿與副將包相卿遊擊馬慶封張  
治都司馬登祥等率領漢屯官兵分爲四路奮勇抄  
襲直攻巢穴該兇夷納茲在山頂乘騎白馬穿戴藤  
甲皮盔執持長標指揮夷匪齊發弩矢滾木擗石與  
官兵抗拒屯守備阿耳烏獨自由箐林潛繞用鎗轟  
斃該兇夷納茲割取首級官兵一齊擁上並將兇夷  
必茲石確一齊殲斃通共鎗斃夷匪二百餘人生擒  
牛具別黑等十一名救出被擄男婦一百三十餘丁  
口奪獲牛馬牲口二十餘頭起出糧食三百餘石燒  
燬夷棚百數十處刀矛器械一百餘件間有受傷兵  
丁存記辦理惟時提臣齊慎余步雲臬司多歡率兵  
沿路勦捕至夷車壩遣將帶兵至角落溪後山接應  
自張必祿等將阿合一支勦洗之後附近各支夷聞  
風膽落當有肅干蘇呷阿祿害乃烏卜等五支夷人  
黃呷等各牽牛羊來營投誠獻出被擄男婦共二百  
六十餘丁口情願自派夷夫隨營效力求免加勦並

雷波廳志

卷二十八

邊防上

三

有附近越嶲一帶素來恭順之阿都等各土司都天  
錫等出境迎迓

天兵

極爲感畏均經該鎮守犒賞遣回又有蒲車捏別等  
家夷人聞風畏懼各捆獻兇夷雲力等共六十二名  
送出被擄男婦大小四百四十六丁口由糧臺委員  
鄧仁坤武來雨等押送大營懇免勦戮又庚札易呼  
寡母率領夷夫二百餘人投營聽差並獻出兇夷十  
一名經該鎮守等諭令多獻兇夷方許貸其一死隨  
將被擄漢民分別撫恤所有生擒及捆獻兇夷由臬  
司多歡委員訊明正法梟示該鎮守卽由三姑六腳  
一帶截勦又至青崗普落搜獲兇夷利碼等十三名  
救回被擄民人陳萬等五十七名現在移師至干落  
三溪等處盡力搜勦勢如破竹卽日便可完竣等情  
前來至提臣余步雲亦連營而進齊慎督會將弁亦  
在夷車壩附近之吳歧及阿捏呼別卜瓦姑等處分  
投搜捕均有斬獲現在雷波後路尚有應行復加搜  
勦之處以歸結實容俟該提臣等報到另行具  
奏臣等查此次夷匪滋事因有漢奸勾結其兇惡詭譎



情形較尋常夷務為甚是以分兵嚴辦業經張必祿等直進涼山將素為羣夷依附著名兇夷阿合等支痛加搜剿附近之夷全行震懾紛紛來營投誠自此不敢再有滋蔓現在尅日歲功即可撤兵除再奏報外謹將近日剿辦情形先行馳奏仰慰

聖厘臣等謹合詞恭摺具奏伏乞

皇上聖鑒謹

奏

通判劉耀庚稟議剿辦夷匪四條

一兵力宜厚集也查涼山周圍不過千餘里夷戶人丁不過三四萬然林深箐密山險路歧征東則避於西攻南則匿於北老林伏處不敢窮搜奔若猿猱莫能追及歷年剿辦鮮有成效職此之故今應請調雲貴兵萬人本省及五屯兵萬二三千人用四面兜剿之法雷波需兵五千人助以鄉勇三千分二路一走寒婆嶺一走龍頭山先將附和熟夷分別掃蕩一定疏通糧道以絕內患然後深入夷巢馬邊需兵五千人

### 雷波廳志

### 卷二十八 邊防上

三

助以鄉勇三千人分二路一走三河口一走大院子  
峩邊需兵五千人助以鄉勇三千人分二路一走石門坎一走斯栗沱越嵩匪夷較為強悍需兵六千人助以鄉勇四千人分二路一走馬日崗攻甘落三溪  
一走普雄汛攻阿合蘇噶以上入路兵勇均令會日兼進越嵩馬日崗之兵俱進涼山北界應令至最轟轟大小木瓜魁西等會合越嵩普雄汛之兵與雷波二路馬邊大院子之兵均進涼山南界應令至夷車河五牛壩青崗普落等處會合分投偵探不時搜捕總不使其安站耕牧凡有倡言准投偵探者罰所入夷地得尺則尺得寸則寸據有十數里即留鄉勇築基屯田凡夷人有一見官兵即藏入老林不出者我兵正不必急於入險求勝即使兵於老林之三面更日輪次出隊以驚擾之蓋老林中糧必無多一二月後勢必奔潰我兵擇留一面聽其奔逃而預設伏尾殲之可獲全勝既勝亦不必急進必將老林搜盡塞其要道安置屯勇諸事完妥然後漸進庶我兵無後顧之虞彼受失地之害約計一年夷匪縱不盡誅亦多



餓斃但必須寬予歲月勿遽責令迅速歲事當克成功也

一糧餉宜寬也兵勇二萬餘人非四五百萬餉銀不能敷用人皆謂經費有常斷不肯以數百萬帑金輕擲於不毛之地此言本為近理然軍務與河工事例多有相似查河南河工嘉慶年間屢次決口每次輒發帑銀四百萬五六百萬不等工竣之日按糧均攤十年征完與正賦同解名曰河工加價昭然有案因河南屢遭河患治河係為河南黎庶故專加河南之丁糧今四川勦辦夷匪係拯川省生靈之塗炭亦奚啻河南之河工應請先借帑銀四五百萬兩事竣之日按四川糧銀通省均攤亦予限十年代征即名曰夷務加價歸款有日則國帑無虧輸納分年則民財不竭本有成案可循似可仰邀

聖

允至

於米糧限令各州縣買補倉穀以宜遠府雅州邛州屬之穀碾送越嶲以嘉定眉州資州屬之穀碾送馬邊雷波除著名邊以重慶瀘州敘州屬之穀碾送

雷波廳志

卷二十八

邊防上

无

苦缺外無論上中下缺均分別多少碾送不許推委查嘉慶三年達州軍務會派慶符碾米送至順慶有案可稽如果夷務日久勢難接濟再酌派成都順慶潼川保甯綏定夔州近水之州縣協濟碾送似可無虞缺乏

一將弁宜慎擇也參將都司為一營之主將千把外委即前敵之先鋒兵隨將轉弁與兵親將有勇則兵皆勁弁不怯則兵更强故選將為行兵第一要著應請征調之初慎加擇選凡將弁年老較弱者吃鴉片煙者工逢迎者巧言語者世家子弟之嬌懶習慣者一概不用從事戎行如參將乏人擇都守之優者陞署都守缺員擇千把之優者提拔明張曉諭著有勞績即與實授新加以爵則知榮初仕以權則知奮然尤須得智勇兼全之大員經略統領破除情面大張公道自必人人知感靡不效命矣

一兵數宜核實也承平日久營務未免遷就去年馬雷征兵固已盈萬其真堪出隊之兵每百竟難挑六十人餘皆自守鍋帳造飯喂馬跟班等用將官自謂四



六折卽係好營頭殊不知各營均有餘兵長夫僅可  
供應驅使何得以征兵派當雜差卽應酌留精壯者  
十數人守營亦必須出隊時可得入折方收實效應  
請主軍大帥嚴加查考力爲整飭庶有起色否則兵  
多亦無濟耳  
成都將軍軍凱章署四川總督蘇廷玉四川提督張必  
祿奏夷務實在情形疏  
奏爲縷陳近年夷務實在情形並抒管見恭摺  
奏祈

聖鑒事

竊照川省猺夷屯聚涼山表延千餘里其東西北三  
面環以馬邊雷波越嶲邊四廳南則界連雲貴種  
類旣繁搶擄是其慣技不必別有起衅根由而一支  
蠢動羣支皆附和而來各廳漢夷交界皆係疊嶂層  
巒深林密箐猺夷出沒攀藤附葛其行如猿絕無人  
徑亦且處處可藏該廳營兵額有常勢不能節節設  
守而地面均極寥闊又非若黔滇之中隔大江有一  
定要隘不可防夷猺所恃短刀小箭滾木插石我軍火  
器攻擊不難制勝而該夷聞鎗礮之聲輒散遁老林

雷波廳志

卷二十八

邊防上

三

杳無蹤迹我軍進逼道路已極艱難其老林又綿接  
數十里或一二百里卽無雨雪之時亦重霧迷漫樹  
木陰溼搜捕旣不能遍卽火攻亦難以延燒兼以糧  
餉轉運維艱官軍勢難久駐故歷年勦之屢矣而總  
不得利者莫苦於兵入匪遁無迹可尋其間縱有斬  
擒究不能痛加勦洗僅只發其窖藏焚其寨棚就案  
完結而該匪等受創未深冥頑如故兵撤復來視爲  
慣常昔之猺夷出擾尙不敢遠離巢穴只就附近擄  
掠人民物產爲數無多故以勒獻難民兇夷完案數  
年來則千百成羣直入鄉村市鎮恣意焚擄前此猺  
夷搶擄尙不敢殺人今則肆行屠戮且有支解民體  
輪姦婦女約計被擄男女以數千計而流離遷徙疾  
病死亡者又不知凡幾邊民來省紛紛呈訴其傷慘  
之情形實爲耳不忍聞在文武官非不知徵師調餉  
在在爲難故凡平時駕馭以及滋事之初無不竭意  
撫綏無如夷匪貪殘不知懷德反更啟其玩視狡逞  
之心此頻年所以不能不用兵之故及促總不克收全  
又限於地利加以糧餉不充時日又促總不克收全



勝之功本年夷匪復擾馬邊等處臣等雖諄飭地方文武委員嚴密防禦而該匪倏來倏去時復窺伺現在調兵雖不及千招勇已不下五千名月需糧餉一萬餘兩前督臣鄂山奏明飭令籌款墊辦已將報部餘茶一款暫行挪用數月來業已無存此後更難為繼兵勇又無時可撤臣等夙夜焦思寢食俱廢若再稍事因循必致夷惡日熾民患日深是非厚集兵力多籌糧餉寬以時日大彰

天討實不足以永靖邊陲伏察夷匪支類雖多實則通同一氣故一廳出擾各廳夷匪皆羣集附和必須調漢屯土兵二萬名分四隊以一隊屯紫巖邊防堵三隊由馬邊雷波越嶠等廳剋期並進一面預咨雲貴兩省派兵邊防絕其奔竄夷匪聞官兵進剿必遁老林我軍步步為營四面屯逼以重兵困之以遊兵擾之匪匿深林勢無十日半月之糧迫其食盡潰逸又預伏鎗礮痛加轟擊可期大加剿洗我軍漸次深入焚其寨落燬其積貯而三四月不令耕種八九月不使刈穫絕其養命之源卽有逃竄餘匪久亦多成餓殍如

### 雷波廳志

### 卷二十八

邊防上

三

有窮蹙乞命亦可貸其一死誅其兇首宥其脅從設土弁以領之而邊患可以永息臣雖未親歷其地而詳詢上年深入夷巢之提臣張必祿臬司多歡成都府謝興曉及文武大小員弁並體察輿情僉謂非如此困勦斷不能使邊民得安生業約計調兵二萬約需糧餉三百萬臣等至愚極知

國家經費有常不值以如許帑金耗散於蠻荒之地但邇來夷務軍興自請帑以及官民捐輸並按糧津貼所費幾及二百萬而夷患益甚與其分次需糜何如大張撻伐以爲一勞永逸之計現在邊疆民命積年被害已深臣等受

恩優渥責任匪輕何敢不據實直陳諸恐窒礙請

諭廷臣及戶部通盤計議請旨定奪理合恭摺會

奏伏乞

皇上聖鑒訓示臣等無任悚惶待

命之至謹

奏



再臣愚以為用兵之道糧餉為先現在兵勇防堵經費既已無出設或夷匪復肆鳴張又將何以禦之川省田賦之輕甲於天下每畝地丁不過二分較他省或少十餘倍或數十倍每年僅額征銀六十六萬兩此外別無款項可籌雖連鹽課關稅等款歲入一百四十餘萬不敷支用兵餉廉俸尚仰給於他省十餘萬兩雖從前勦辦達州教匪以及近年峩邊夷務均係借資民力按糧津貼以充需餉然地丁一兩津貼銀二兩以額賦計之除出零星小戶所入不過八九十萬兩亦不足以供勦辦之用如蒙

聖主允准勦辦可否

敕諭戶部先行籌款借撥銀三百萬兩解川供餉再容臣仿照河南省河工加價之案每地丁一兩加征夷務經費銀五錢計每年可征銀三十餘萬兩按十年攤征還款在通省紳民共知夷匪荼毒生靈患無底止無不志切同仇且川賦本輕更亦樂於輸納似此一轉移閒庶要需得以濟用而國帑亦不致久懸理合附片具

### 雷波廳志

### 卷二十八

邊防上

三

奏並祈

敕諭廷臣及戶部一並核議請

奏

旨諭示遵行謹

江南道監察御史劉最昌奏邊夷情形疏

聖鑒請

奏為邊夷反覆無常詳核情形仰祈  
自古邊防之策不過順則用撫逆則用威而緊要尤在邊事飭修有備無患蓋犬羊之反覆無常而在我之隄防有恃則彼自無可乘之隙可獲之利未有不

帖然安戢者也我

國家威德被遐荒地方偶有不靖

天戈所指無不電驅風掃震警悚惶一經戡定萬載肅清未有如四川之馬邊雷波峩邊越嵩等廳猺夷屢辦屢擾終於頑梗如此之甚者臣籍隸黔中與川省緊隣從前略悉彼處形勢近復深探細詢究悉情形誠如

聖諭於勦辦防堵事宜未能籌畫妥善請為我



雷波廳志

卷二十八

邊防上

三

以狡夷迭自得志不知創艾然猶知畏兵威不敢大肆也自十三年至十五十七等年三次大兵動勦皆直抵涼山巢穴深入其地兵威不可謂不壯而蠢動反益甚者蓋夷匪自倚老林深邃大山峻險官兵不能久待搜捕有所恃而不恐故兵進則匿兵退則出恃狡兔之三窟黠鼠之晝伏夜行耳非真有雄桀思逞之徒敢抗我兵也夫夷地非甚大也夷人非甚眾也夷情又非有圖城奪地之謀也特彼地土磽瘠夷性懶惰生計難全輒思攘奪此靖彼肆皆為固然與其臨事張皇不若先事預籌惟先之以善撫次之以嚴防使其身有所感心有所畏自可日就肅清然現在四廳非無文武官弁而夷情不戢者亦以撫之未得其人防之未盡其道耳從來邊地之重必須慎選賢才以任之而後可圖靖安今則邊缺瘠苦平時又無所事賢能之員往往不願赴任其任事者自係平常之人即偶得賢良而經費短缺辦公乏資賢能亦窘於所施不能徒以口惠為政則撫之固不易易臣愚以為事有常變時有險易當此頑夷跳梁之日自



應特選賢能文武分守四廳常時親歷夷巢宣布  
 撫字徧查丁戶訪察奸宄盡行設法懲治偶有爭端  
 文武官即速開導公平處理不得委於汛弁卡兵致  
 令夷情難以自達輾轉生釁夷人雖頑斷無不知感  
 激願為良善以安耕鑿此則正本清源之道便而可  
 行實而可效者其一切因公動用經費必須該將軍  
 等為之備籌務使賢能得以展布不致掣肘便可奏  
 功其經費按年報銷以歸核實庶不為冗闕者自充  
 私橐之用此則撫之之法急宜籌畫者也從來邊防  
 之要兵民相資不可偏廢古者兵即民民即兵守望  
 相助有無相資是以同仇共憤同患共急今則兵視  
 民之難為不關己民以兵食糧餉已不屑共難故雖  
 有守邊之卒惟道遙於軍中雖有守邊之民悉逃竄  
 於崖谷則兵民不一心矣况夷匪之出沒無常卡汛  
 又難沿邊徧設斥埃不謹防備不預則有夷匪已飽  
 掠而去而尾送之者矣有避道而行與匪不相遇者  
 矣兵動必需費一聞夷巢有事文官以出兵責武員

雷波廳志

卷二十八

邊防上

三

武員以餉費責文官彼此相視茫無所措失機縱寇  
 之所由則文武不一心矣各廳居民零星散處不相  
 聯屬則民不一心矣以此言防亦屬不易臣愚以為  
 必須沿邊設立寨堡聚民而居使之聲勢聯絡出則  
 共作入則同守民財有歸民眷有歸民心自然安定  
 暇時文武官擇其强悍者聚而團練則眾志成城民  
 即為兵矣若值耕作之時男女四出誰為守望惟須  
 嚴飭邊卡弁兵時勤偵探一聞夷巢有蠢動之息即  
 傳兵舉燧庶人人得信老幼堅壁入堡丁壯持械隨  
 兵截擊庶兵民一心以逸禦勞殺賊必效似此懲創  
 數次夷匪自不敢復出滋擾必須該將軍等明定文  
 武官以及兵民警備疎防獲擄縱賊功罪而後文武  
 一心咸知畏懼庶可以助兵戎而肅邊備此防之  
 法不可不悉者也臣又察近日夷匪情形有不能不  
 略加懲創者但從前勦辦之失有二一則夷地多崇  
 山峻嶺深林密箐夷匪藏匿其中伏弓弩以俟選木  
 石以待待官兵入與之角損傷必多一則夷匪數十支  
 各據險阻散藏林礮圍而守之用兵多則兵餉亦煩



而又寬延時日勞師糜餉臣愚以為夷地雖有險阻  
可恃豈無扼要之方雖有箐林可匿豈無控制之策  
不得其徑雖用師數萬且為小醜所困苟察其勢則  
數千百人可成掃穴之功臣聞夷匪所恃者刀弩非  
有鎗礮弓箭之利所據者山林非有礮卡積聚之固  
兵入則匿又非敢與我兵對敵而該省屢次辦理不  
妥一由於勦辦之不以其時一由於扼險之不擇其  
地勦辦不以其時則形格勢禁攻取無術矣扼要不  
擇其地則夷匪有恃反客為主矣臣又聞夷地瘠苦  
素少蓋藏前次用兵乘八九月穀熟之時盡取其  
種山糧使之藏匿林中不過兩三月內即已饑困更  
值隆冬大雪封山凍餓交迫投出乞命惟恐不得然  
後擇其惡者誅之善者存之兵不損傷而夷匪盡絕  
夷巢雖多本無長技各軍相度地利最要之處以兵  
扼之使彼不能相絡相顧但破其一二巢穴而其餘  
皆成破竹之勢夫以內地夷匪志圖擄掠誠如  
聖諭不值以小醜跳梁重煩兵力但夷匪連年滋擾邊民蹂  
躪屢煩

雷波廳志

卷二十八

邊防上

三

聖 屢又經從前勦撫失當目前不易措置奏功惟聚兵力以  
為防守使夷情畏懼而後擇人而理加以撫綏自能  
永遠帖服餉不重費師不再勞行見邊境安而夷頑  
永化矣 臣愚昧之見是否有當伏乞

皇上聖鑒謹  
奏

魏源聖武記兵事餘記二則  
友人湘鄉謝興曉曾以四川敘州府知府隨官軍進  
勦雅州馬湖生番歸為源言金州屯練之可用日川  
兵以金川屯練為強尤長於山戰地極苦寒所食惟  
包穀油麥青稞苦苣牛羊人皆悍鷙貪利自乾隆年  
間平定後設屯練土兵五百名分給大小金川兩路  
為千兵錢糧每人歲餉不足十金而春夏訓練秋冬  
蒐獵四時不閒最耐霜雪維畏內地盛暑雖避處山  
林陰翳猶不免病又距內地遠有事徵調非兩月不  
能集其兵皆著虎皮帽牛皮靴胸前排小藏佛背負  
火鎗腰刀械火藥糗糒約二三十斤登山越嶺如平  
地火鎗較營鎗重而堅能命中及遠無虛發每行軍



必爭前鋒恥落後如大小金川同隊必按日輪派前鋒否則譁然爭先惟撤兵時可留以殿後每日安營畢卽演火鎗角勝負晝以小石爲的夜則燃燈爲的聞有賊奮臂前驅十數人輒辟易千人夜搜夷巢謂之摸樁每路只三四十人多不過百人懸崖密箐各攜一鎗以火繩揮映輒離營三四十里或五六十里冥搜力捕黎明必斬數十級並獲糧物牛羊馬騾若干呈獻邀賞最善仰攻專於有石處取路每隊不過三人賊或滾木播石隱身山石以避木石過則復進迨鎗可擊始轟擊之若十數隊登山隨以大隊疾登賊眾無不望風而靡矣其頭目悉遵內地冠服職止守備出征有功亦加二三四品銜頂或賞孔雀翎及巴圖魯名號出征時照職倍給錢糧甚以爲榮道光十七年調大小金川屯兵千名在營給千兵之糧歸伍則仍食五百人之餉其頭目等會請歲設千兵屯額有事可以三千人聽調倘當事允行實攻疾疾之烏喙然後知前此以彈丸抗四海全力者非僅恃險而已夫內地養兵一糧尙不能得一兵之用金川兵

雷波廳志

卷二十八

邊防上

三

一可當十且兩兵食一糧又自請增額一千願以三兵而食一糧則是養一兵而得二三十兵之用也奈何尙靳之哉

又言四川野夷在萬山之中越巂我邊馬邊雷波四廳漢地環之惟西南隅雷波建昌之間可通雲南東南自雷波西北出越巂袤長約千餘里廣或一二百里或三四百里四面皆峻嶺老林絕無門戶必翻大山然後入一入其中卽多曠衍產青稞苞穀油麥苦蘿葡紅稻以多畜馬牛羊豕爲富不善耕種專擄漢人代耕沿邊山林價賤糧輕故川楚貧民爭往墾荒散處崖谷界乎夷漢閒爲熟夷衣冠語言雖異與民耦居無猜惟涼山內生番則睥目蝻腹紫面虬毛多不火食各路百數十支真夷謂之黑種歲擄漢民入內亦化爲夷謂之白種黑少白多黑主白奴眾且數十萬皆崖栖穴處盛暑則移避老林故屋宇皆架板爲之隨時折徙而平曠之處往往反虛無人出入則數支糾百餘人或三五百人或千餘人各懷旬日乾糧風餐露宿無須鍋帳秋成後乘閒焚掠迨兵勇旣



集已各回巢矣所掠男婦子女轉售深巢倘或追贖必重勒財物鹽布乃還弁兵熟夷從中乾沒獲利近數十年來邊民不聊生文武吏屢奉檄捕剿畏道路之崎嶇風雪之寒苦但苟目前不籌久遠或張皇其勢以爲非數百萬帑餉不行或蓄意養癰以爲癘疥不足患或置礮於荒僻無人之地或倡徙民避寇之議兵怯賊驕日甚一日然夷貌雖獷非有技能以攻則無火器甲冑難敵之銳以守則無礮堡壁壘難破之堅以戰則無節制號令奇正之術惟習長弓弩箭短刃長標少壯烏合居前婦女號呼助陣夜或燃炬數里以張聲勢官兵殪其前鋒輒各鳥獸奔散攢入深巢或乘巔擲木石技倆如斯不過恃其巢穴深邃門戶險阻而已如欲改土歸流但由雷波之天喜馬邊之萬石坪戕邊之化林坪越嶺之馬日岡建昌之歸化汛共名五路每路精兵千名練勇五百金川土屯兵五百約計共萬人運糧夫役半之責成勇幹公廉之鎮將道府數員除冬雪封山夏潦暴漲不可用兵外專於春夏秋三季犄角結營并力搜捕但礮

雷波廳志

卷二十八

邊防上

三

除其最強悍數支餘皆風靡半年卽盪平矣軍需餉不過數十萬設立一廳一協徙蜀中無業之民闢種屯田伐其林木以構解舍開其金銀銅鑛以助兵餉不惟除外患並可利內氓實一勞永逸之策

同治六年夷匪再判先是道光中邊事不戢督憲

寶興於奏定邊防案內添營汛增兵練修礮堡建城

垣武備旣修夷患稍息時有土司楊石金警敏多智

勤慎奉公每遇夷情變動或先事彌縫或臨事捍禦

地方文武深倚畀之而濫壩子鄉團總王名相者道

光時曾統帶鄉勇殺賊立功事平後充當團總卽以

兵法部署團練保障屹然東林鄉鮮有夷警自同治



四年王名相病故地方繼起無人團練亦漸廢弛該夷匪遂糾約爲亂始猶數十人或百餘人晝伏夜行乘閒劫奪久而橫行無忌直糾大股破鄉場闖內地六年夏閒夷匪一千餘眾犯牛吃水天姑密下竄黃海各鄉紛紛告急參將韓廷貴統領普阜三營兵練及各路團丁馳往堵擊並命土司楊石金帶家丁百人隨征至匡海壩我師敗績楊石金死之夷匪由是益猖獗不可復制紳民赴省求援制憲吳棠派提督劉梅宣王聚蘭帶湘果兩營來雷防剿並飭補授

雷波廳志

卷二十八

邊防上

三

通判楊澤溥莅本任六年九月湘果兩營來雷營於城外五里之丁丁馬夷匪東西竄擾猖獗如故七年湘果兩營奉調回省楊澤溥稟於制軍請招募土勇五百名以資捍禦制憲吳棠允其請由是創設雷威軍副將阮洪順爲管帶以二百名分駐要隘以二百名常川周歷以百名駐廳城聽候調遣此後布防周密略可支持而夷亂究不能止至十年春閒該夷匪聚眾數千大股出擾將羅三溪中山坪兩地概行燒燬居民逃徙者萬餘家東北一帶膏腴地土荒



沒無人居而夷患遂中於內地三十年之內無一日安居矣

通判楊澤溥稟請召募土勇稿  
敬稟者竊三月二十四日接奉 憲台批示以歷來辦理夷務有撫無勦既經示以軍威便可乘時招徠如果本地練丁實在得力則湘果兩營便可裁撤以節餉項飭令卑職會同營員悉心籌畫倘辦理需費亦即明白稟覆飭司詳議於常例之外酌加經費等因仰見 大人於樽節帑項之中仍寓體恤地方之隱下懷實深寅感卑職遵與普安營韓參將再四熟商妥籌萬全之策據稱左右兩營兵額雖有一千數百名但合之則見其多分之則形其少計安設各汛駐防塘舖存城僅止二百餘名實不敷調遣外來兵勇又苦於夷情地利不熟難資得手且於採買軍米一項數月來備形掣肘至本地練丁能食雜糧耐勞苦又能履險陟山似較得力第卑廳經費有常每年

雷波廳志

卷二十八

邊防上

三

尚須分給各營員巡費以及夷日工食歲賞各團練出力賞號開銷以外甚多不敷均係各廳員捐廉給發卑職採訪輿論參以近日軍情計惟有乘此聲威嚴飭羈留廳城之鐵貨木干趕緊寄信其支夷投誠向化竝調集十二支夷目仍舊照常當差竝於歲賞之外酌量議加以示懷柔遠人之意刻已認具妥保一俟辦有端倪再為會同營員據實稟陳以舒憲厯現在防務稍鬆擬請裁撤湘果兩營節省糜費惟夷性犬羊反覆不測難保不因大兵奉撤之後復生覬覦卑職又傳集各地紳糧籌商善後事宜僉以民間頻年遭夷擾害十室九空欲籌勇糧民力實有未逮若因此而遂不設備萬一夷人乘閒出擾勢必大費周章再再籌商必得招募本地勇丁五百名方足以資捍禦卑職管見以二百名分佈要隘駐防以二百名常川周歷以百名駐城聽候調遣再由卑職整飭鄉團幫同堵禦每月所費不過千餘金較楚營餉需已省過半如果夷情帖服陸續減裁以符舊制在夷人既得歲賞工食之利又畏分佈防守之威縱不能



保夷患永息而有此聲勢聯絡恩威並濟亦足以戢反側之心卑職目擊瘡痍仰蒙轉覆但有可以靖邊安民之處無不竭盡心力上酬知遇決不肯稍涉畏難貽誤地方竝負大人軫念邊防之至意所有現在夷務及會商營員各情形理合據實稟請察核施行後奉督憲批示據稟籌辦一切情形尙屬周妥所需經費仰候行防勦局按月籌發銀一千兩以爲撫夷募練之資該廳文武務須妥爲辦理毋得虛糜帑項切切

光緒元年夷匪復大亂先是吼普支有逆夷格曲潛入內地經團民捆縛送官暫囚夷卡後因同類口角自縊身死其本宗無異辭吳奇支黨眾且悍久蓄叛志遂以復仇爲名率眾猝至三稜岡焚其街市署右

雷波廳志

卷二十八

邊防上

罕

營守備吳廷彬素以恩結諸夷按兵不救賊旣得志乃結聯各支聚眾數千出田家灣逾萌子岡與右營緊相望廷彬見賊眾仍不敢擊賊逾此險遂分股竄各鄉而以悍卒千餘人至牛吃水踞蓮花石而陣廳主徐浩聞警報當商署參將馬懷珍調左右兩營兵百人同雷威軍往禦後聞賊勢大捐資招募鄉勇陸續赴援旣集牛場土司楊德壽土目國玉明入賊中關說許給銀物價格曲命價諭令歸巢夷眾不從越日議戰兵勇爭赴殺敵雷威軍哨長陳其祥率二十



人先登至山半遇伏狂呼震天其祥驚懼不知所爲  
二十人同被擄後隊見之卽返奔紛紛敗竄右營兵  
五十人素稱敢戰至是亦敗賊追至田壩擄殺百餘  
人由是東擾黃螂及天姑密南至中興場鳳凰鄉迭  
焚苦蒿乍溝大漢漕那比等汛蹂躪徧十八鄉無得  
脫者廳文武會稟請兵 制憲吳棠軫念邊陲派邵  
鎮永齡率經武營來雷防剿甫抵黃螂賊糾千餘人  
來犯永齡率部出擊奮勇衝殺斃賊數十人賊稍卻  
永齡暫駐黃螂而賊仍紛擾不止適 制憲遣人刺

雷波廳志

卷二十八

邊防上

三

邊事知賊未歸巢廳文武齟齬不和未足深恃乃將  
徐主撤任而以吳主之桐代之添派胡統領國珍率  
武字副前營張牧世康率達字右營同赴雷波相機  
剿辦國珍先至黃螂會合經武營節次掃盪直抵廳  
城世康亦由敘南馳至暫駐牛吃水搜剿餘匪逾月  
提督王聚蘭奉 憲檄來署普安參將招勇五百人  
爲湘果營秋七月大軍齊集進紮三稜岡大破賊於  
馬臥漕溝內賊敗退以全力守田家灣滾木擂石皆  
備田家灣者諸夷之門戶賊之所必爭者也八月初



四日、各軍及兵練團勇、拔隊進攻武字營幫辦唐鎮  
珊峯、首先陷陣、手刃悍賊數名、各營乘勢分道截殺、  
連戰三日、夜遂攻克田家灣、附近諸夷叩首請降、唯  
負主寨夷酋恃其險阻、抗不即服、各軍移師進取、力  
戰環攻、遂將負主寨一鼓攻克、乃設法招撫、內外二  
十一支、相繼投誠、唯恩札支、遲遲乃到、當即闔皮設  
誓、永不復反、各營振旅旋廳、議辦善後、吳主之桐、張  
牧、世康、會議創設土千百戶、以示羈縻、遂班師留經  
武一營駐雷防守

雷波廳志

卷二十八

邊防上

三

吳棠奏勦辦雷波蠻匪迭克堅巢殲除要逆及時戡  
定全境肅清疏竊臣等前將雷波蠻匪出巢滋擾調

集官兵乘機擊退緣由專摺

奏明在案嗣於光緒元年七月十九日欽奉

寄諭著督飭各軍勦撫兼施相機妥辦毋任匪蹤滋蔓為  
患地方等因欽此臣等跪誦再三莫名敬服節經飭

催各將領等分道進兵妥為籌辦查武字副前營經  
武中營達字左營湘果營各軍自齊集廳城後會議  
定謀以雷波廳城為根本提督胡國珍所部武字副  
前營暫留駐守以壯聲援總兵邵永齡率經武中營  
知府張世康率達字左營從夾夾石直抵三稜岡扼  
紮署普安營參將提督王聚蘭率湘果營從野豬蕩  
直抵馬頸子扼紮署雷波廳通判事同知吳之桐會  
同前梁山縣知縣國璋督率廳練鄉團往來策應兼  
辦軍糧於七月二十二日布置甫定提督胡國珍亦  
即抽撥勇丁帶赴三稜岡前敵會籌進剿事宜該蠻  
匪突由田家灣一帶糾眾來犯竝於馬臥漕溝內埋  
伏千人我軍各出五成隊伍分頭進擊相持半日伏



賊粹乘適提督王聚蘭派令守備王仕明等從馬頭子帶勇赴援兩路夾攻軍威益壯殺斃悍匪數名該匪力竭狂奔退踞田家灣要隘田家灣與三稜岡對峙漢夷界址井然素稱天險八月初四辰刻我軍會隊從馬臥槽抵官窰子該蠻匪膽敢四出抗拒銳不可當戰至日中總兵唐珊峯陷陣手刃悍匪數名始行卻退我軍乘勝疾趨迭有斬除未刻收隊初五日各營會商於田家灣山頂籌密林深之處扼隘伏兵初六日天色將明提督胡國珍率武字副前營知府張世康率達字左營從中路直冲山坳賈勇先登經武中營總兵邵永齡陣於田家灣之右雷波練丁副之湘果營提督王聚蘭陣於田家灣之左普安右營制兵副之面面合圍搖旗吶喊該蠻匪瞥見我軍以滾木擗石紛紛拋擲我軍施放洋礮兼用噴筒火箭乘勢猛攻蠻棚悉被焚燒該匪拚死潛逃又為我兵截斃殆盡遂將田家灣攻克初七至十三等日各督隊伍將附近田家灣之牛滾蕩一帶夷巢次第廓清各營亦即移進田家灣挖濠築寨至九月初九日有

雷波廳志

卷二十八

邊防上

望

阿六猓民頭目曲租等來營乞降據稱恩札恃強不服且有丁姓一支相助為虐等語查恩札即巴姑梁逆鐵住牧涼山自恃族蕃地險兵力難施而丁姓一支附近牛滾蕩地名負主寨必先加撻伐方足以寒賊膽而快人心知府張世康等遂移營丁家坪子察看形勢應分兩路進兵二十八日提督胡國珍親率所部督同普安右營守備鄧必超管帶制兵由雙河溝涉水過河直擣負主寨之前知府張世康會同總兵邵永齡督率副將蔣畢雋等於底阿脚搭造浮橋潛襲負主寨之後署參將王聚蘭率守備王仕明等攻其左署雷波廳通判吳之桐會同知縣國璋攻其右四更後各軍魚貫而上匪眾驚覺木石弩矢齊下前敵頗有傷亡知府張世康率千總李鴻順田錦德等麾軍血戰一鼓克之餘匪退入第二壘老巢正擬乘機掃盪乃該蠻酋丁哈噠由涼山邀集生番二千餘眾從後路掩至哈噠身穿皮甲鐵環先驅督戰兇悍異常副將蔣畢雋率洋鎗隊環擊之中其要害猶能以利刃截傷士卒數人始行撲地我軍割取首級



復陣斬悍匪十餘名奪獲器械三百餘件蠻匪大敗  
互相攜跑墜崖落澗者不計其數天色將晚遂將第  
二壘老巢一律平燬振旅而還卽有長河孺裸民丁  
月租母狗坡蠻首木慈哥雞油羅圖蠻首朱刷子慈  
子坪蠻首楊黑椰等皆羅跪馬前叩頭請罪當經該  
將領等責令各派頭目聽差藉資鈐束由是吾奇丁  
世貴盧里苟等支相率來歸至十一月中旬計內九  
支外十二支均經次第投誠遂飭就撫阿六等支裸  
民飲血歃盟誓不再叛雷波廳上下十入地一律肅  
清由該將領提督胡國珍等會稟前來伏查雷波蠻  
匪自構兵倡亂以來瞬將一稔經臣等先後檄調經  
武中營總兵邵永齡武字副前營提督胡國珍達字  
左營知府張世康湘果營提督王聚蘭各軍所部分  
起赴援每於批牘中三令五申以贖武窮兵爲戒乃  
寇勢鴟張直犯營壘屢戰皆捷斬馘已多且奪據田  
家灣門戶並攻克負主寨峭壁懸崖乃涼  
山咽喉重地犬羊之眾麇集於斯抗阻官兵道光年  
閒以大枝勁旅圍攻日久未下此時兵力不及昔年

雷波廳志

卷二十八

邊防上

雷

十分之二更有蠻酋丁哈噠驍健絕倫遠近皆能號  
召實爲禍首檢斬尤難幸得仰叨  
聖主福威士卒用命勦撫兼施迭克堅巢殲除要逆內外  
二十一支蠻眾動魄驚心先後歸附卽住牧涼山之  
生番恩札亦皆率眾乞降及時戡定全境肅清臣等  
惟有督飭將領廳營等仿照越巂峩邊辦過成案凡  
建礮築堡看路保哨並責令黑骨上班勒追難民安  
業以及遴派土目添設土兵數大端均應次第舉行  
爲一勞永逸之計所有勦辦蠻匪迭克堅巢殲除要  
逆現已及時戡定全境肅清緣由理合陳詞恭摺馳  
奏伏乞

皇

太后

皇上聖鑒訓示謹  
奏

光緒六年七月十三夜夷匪突至山王廟焚燒隘卡  
勇不及救兵不及防至八月初六遂糾合數千白晝



由豆沙溪大道擾那里溝下校場壩直逼廳城廳民  
閉戶號泣勢瀕危矣幸軍功許洪順於迎恩橋畔殺  
斃悍夷一名賊乃退回山王廟而城幸保全溯自元  
年夷眾投誠後仿照峩邊越嚮章程創設土千百戶  
以示羈縻復稟裁廳勇二百名擗節帑費自茲以後  
挾千百戶以箝制諸夷誠爲邊事之一得然夷性犬  
羊貪利好亂父子代爭兄弟相奪各欲爲千百戶而  
後已不得則滋事以要之故我方挾千百戶以制夷  
而夷則因千百戶而長亂核其禍亂之由得失亦覺

雷波廳志

卷二十八

邊防上

三

相等而地方官經費驟減領款無多既須歲賞以撫  
夷又須防患而募勇挹彼注茲左支右拙遇有變故  
勦撫皆難此邊事所由日棘也當六年春閒夷人蠢  
蠢欲動已露端倪而夷卡聽差夷目又復逃逸十餘  
名勢必生亂廳主趙席珍到任未久於夷務不深悉  
經武營駐防日久視夷務爲固然普阜營兵則分防  
各汛僅能自守因循既久至七月三日糾眾五六千  
陸續由三稜岡分股外犯右營守備張世傑選精兵  
五十人伏萌子岡邀其前股戰兵李世泰力戰陣亡



劉大富出入重圍、身受重傷、終以眾寡不敵、敗退、賊遂焚乍溝汛、逼廳城、犯黃海七八兩月、時出時歸、蹂躪無忌、兵勇顧此失彼、往返奔波、廳民死亡流徙、無所控訴、廳文武會稟請兵、廳紳吳洪晏亦赴省求救、制憲丁寶楨派松潘鎮總兵李培榮率所部壽字各營來雷勦辦、九月、管帶副前營副將劉鎮湘管帶中營副將李修德管帶後營游擊汪期紳管帶鄉導勇都司黃仕明、隨員副將張占鼇、參將楊斌、守備郝錦富等先後至雷波、分隊搜勦、夷匪漸次歸巢、培榮

雷波廳志

卷二十八

邊防上

巽

督各軍移師三稜岡、爲進攻計、先克田家灣、添募鄉導、四路進勦、連獲勝於雙土地、黃葛坪、夷酋楊曲哈、朱黑達等來營求撫、十月十四、進勦負主寨、連戰克之餘、匪由母狗坡遁入涼山、大小谷堆、庚札阿黑等支恃其險遠、負固不服、時值嚴冬、大雪封山、培榮激厲將士、步步爲營、層層進逼、二十六日、天稍霽、密令李修德、劉鎮湘選精銳埋伏要隘、二十八日、培榮率汪期紳、黃仕明等分頭攻勦、逆匪悉銳抗拒、守備黃仕瀛外委丁高全等相繼陣亡、仕明憤其弟仕瀛之



死賈勇前進陣斬夷酋牛啞阿播各軍乘勢進攻相持半日李修德等伏兵齊發兩路夾擊夷匪紛紛敗退遂克大小谷堆復撥兵分勦羊子橋負主寨等處至次年正月各支夷相繼來降二月十三日闌牛皮設誓永不復反遂班師辦善後事宜改經武營爲鎮邊營令副將張占鼇管帶仍駐防雷波並留副前營及中營協同防守至八年而夷眾復叛

丁寶楨奏官軍勦辦雷波夷務迭破堅巢殲除悍匪內外二十五支各夷一律投誠就撫邊境肅清疏略竊臣等查得雷波夷匪以烏拋阿忽庚札等支爲最强悍庚札向分三大支內又各分十餘支歷恃路險

雷波廳志

卷二十八

邊防上

七

人強出巢滋擾非大加懲創則犬羊之性桀驁難馴終爲邊境大患隨時切諭總兵李培榮相機妥辦去後旋據稟稱自攻拔田家灣後步步屯營四路搜勦九月二十七日軍功袁得勝帶隊出巡有雙土地黃葛坪之勝該匪首楊曲貨盧懷學朱黑達曲那楊曲耕姑基曲哈散達等均各釋械來營求撫十月十四日進攻負主寨是日副將張占鼇總兵周勝德提督邵永齡等督隊行至阿托地方夷匪悉眾二三千人憑高力拒我軍以鎗礮仰攻斃匪數十人軍功安天壽立斬紅衣悍夷一名總兵劉興旺參將楊斌把總孟廣勝胡萬貴土司楊德壽分率兵勇由後路抄截而出喊聲大震賊眾驚潰退踞漂漂石抵拒正相持閒游擊汪期紳守備郝錦富副將張開吉曹振海等亦帶隊從小路馳至猛戰十數次殲除悍夷二百餘名適總兵劉鎮湘副將李修德傳定升都司黃仕明等由長河壩後山繞出乘勢奮殺外委卿祖訓湯有能軍功徐連升均因中鎗陣亡劉鎮湘跟隨至負主寨礮口時已天晚即收隊就在外紮營是日都司謝



文瑛千總毛廷魁協同普安右營又於西蘇角慈子  
坪等處連獲勝捷十五日天猶未曙汪期紳郝錦富  
等率隊由中路邵永齡劉鎮湘等由左路楊斌張占  
鼇李修德等由右路各帶勇丁蟻行而進該夷悉眾  
攻撲經中路汪期紳先登手刃守碉賊數人砍倒木  
柵左右兩軍一齊緣柵而上奪據要隘鎗礮環轟刀  
矛並舉斃賊匪多名喊殺之聲山鳴谷應逆夷倉皇  
失措奪路狂奔落澗墜崖不計其數立將負主寨攻  
克焚燒蠻棚八百餘間餘匪均由母狗坡遁入大小  
谷堆隨有石租吳奇阿著阿陸金區補節阿合熟租  
板都各支見我軍勇悍莫當於十八九等日率其土  
日赴營泣求免死李培榮察其情真優加犒賞而庚  
札阿黑等支仍恃人眾地險負隅如故李培榮查看  
大小谷堆一綫羊腸壁立萬仞為悍夷膺聚之所若  
不攻破此處不足以寒該夷之膽而服其心隨飭張  
占鼇等分督勇丁在箐林中虛豎旗幟設為疑兵而  
自率勁勇千名進紮母狗坡相機勦辦重擊獲奸細  
訊知庚札領來涼山悍黨千人為抵死拒敵之計適

雷波廳志

卷二十八

邊防上

吳

二十五六兩日大雪瀰漫密派李修德劉鎮湘潛由  
山徑帶兵埋伏一面令汪期紳等出營誘敵二十八  
日黎明後夷匪數千蜂擁來撲汪期紳等領隊迎擊  
哨弁賈保勝帶悍勇數十名殺至山腰猝被飛石打  
傷腦頂陣亡該夷拚死鏖戰經黃仕明親率洋鎗小  
隊迴環施放擊斃夷匪二十餘人守備黃仕瀛躍入  
賊隊砍斃夷酋二名突遇兇酋牛噉阿插二人乘間  
用矛刺入小腹登時殞命外委丁高全等三員亦中  
弩矢陣亡黃仕明忿弟之死鼓勇大呼立將牛噉阿  
插刺殺各夷見悍逆殲除殆盡心膽俱落悉向老林  
竄逃不虞溪澗深處李修德劉鎮湘等伏兵齊集噴  
筒火彈前後拋擊又斃匪一百餘名我兵追殺二十  
餘里將大小谷堆立時攻克搜殺著名兇夷數十名  
生擒十二名是役也傷斃夷匪極多而我軍已傷亡  
三十餘人軍威大震庚札等支望風乞降培榮恐其  
心猶未死未經允降惟因其時積雪封山仍日日激  
勵將士鼓勇前進不少休息庚札等益加悚懼於本  
年正月二十四日有庚札亡弟簡巴射之寡妻母子



同其妯娌孀婦五六人率領黑夷眷屬男女數百邀  
集已降之楊曲耕等代具連環保結傾巢詣營伏地  
哀懇施恩至再至三並願全繳難民軍械以表真心  
李培榮見其投誠屬真准其歸順並飭傳木刻往大  
小凉山互相招集於二月十三日各支夷酋率領數  
千人均來營飲血歃盟大闔牛皮李培榮宣布  
朝廷伐叛服柔德意曉以利害反覆開陳各夷酋指天  
誓日永不敢再萌叛志自干誅戮仍令各支輪派黑  
夷在雷波廳衙門上班當差隨卽照例賞給鹽酒布  
疋各感泣歡呼而去夷務一律肅清具報前來臣查  
雷波廳夷地緊接凉山遠近共二十餘支其間庚札  
阿黑吳奇石租等支各自爲雄不相統率此次與峩  
邊雅札胃扭等支狼狽爲奸出巢滋擾近逼雷城勢  
極鴟張自李培榮帶兵勦辦又添募鄉勇引導前驅  
歷險入深層層掃盪將田家灣長河壩羊子橋負圭  
寨等處該夷自恃爲堅巢者悉予焚燒而大小谷堆  
一戰尤爲得手計前後殲除悍匪數百名生擒八十  
餘名奪獲柴弓弩箭刀矛無算救出男婦數百餘名

雷波廳志

卷二十八

邊防上

晃

從前侵佔地土均行收復  
天威遠播遂使內外二十五支蠻眾動魄警心歸誠恐後  
及時戡定雷波全數肅清而用兵不過八月之久實  
非臣等初料所及後經妥擬善後事宜以該夷支數  
過繁議添設土千戶二名百戶九名夷兵二十七名  
酌定章程嚴保甲肅營伍修礮堡平斗秤禁漢奸以  
及按期關發夷餉責令黑夷上班九條均屬謀深慮  
遠洞合機宜臣等已飭該廳文武遵奉刊碑永遠照  
行並委員前往勘明應添礮卡要隘籌款興修期於  
一勞永逸一面飭李培榮將所募鄉導土勇妥爲遣  
散歸農用副  
聖主綏邊節餉至意所有勦辦雷波夷務迭破堅巢殲除  
悍匪內外二十五支夷眾一律投誠就撫邊境肅清  
緣由謹合詞由驛五百里馳

奏伏乞

皇太后  
皇上聖鑒訓示謹  
奏

